

შპს „გარდაბნის თბოსადგური“



სატენდერო დოკუმენტაცია
გამარტივებული ელექტრონული ტენდერი

CPV 444213000 - სეიფი ცეცხლგამძლე

სარჩევი

1. ინფორმაცია ტენდერში მონაწილეთათვის
2. ტენდერის პირობები
3. პრეტენდენტის მიერ სისტემაში ასატვირთი ინფორმაცია
4. სახელმწიფო შესყიდვების შესახებ ხელშეკრულების პროექტი
5. დანართი №1 - სატენდერო წინადადება
6. დანართი №2 - ტექნიკური პირობები
7. დანართი №3 - რეკვიზიტების ფორმა

1. ინფორმაცია გამარტივებულ ელექტრონულ ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურების განხორციელების საფუძველია საქართველოს კანონი „სახელმწიფო შესყიდვების შესახებ“ (შემდგომში - კანონი) და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის შესახებ“ (შემდგომში - „წესი“).

- გამარტივებული ელექტრონული ტენდერი ტარდება თანახმად კანონის მე-3 მუხლის პირველი პუნქტის „რ“ ქვეპუნქტისა.
- ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 120 კალენდარული დღით, ტენდერისათვის სტატუსის „წინადადების მიღება დაწყებულია“ მინიჭების ეტაპიდან;
- პრეტენდენტს არა აქვს უფლება წარმოადგინოს ალტერნატიული წინადადება.

1.1. შესყიდვის ობიექტი: CPV 444213000 - სეიფი ცეცხლგამძლე;

სატენდერო დოკუმენტაციის დანართი №1 სატენდერო წინადადებითა (ფასების ცხრილი) და დანართი №2 ტექნიკური პირობებით გათვალისწინებული საქონლის შესყიდვა (შემდგომში - საქონელი).

2. ტენდერის პირობები

2.1. საკვალიფიკაციო მონაცემების დამადასტურებელი დოკუმენტები - არ გამოიყენება.

2.2. მიწოდების ვადები და პირობები:

- მიწოდების ვადა: თანახმად ტექნიკური პირობებისა (დანართი 2);
- მიწოდების ადგილი: ქ. გარდაბანი, დ. აღმაშენებლის 2ბ;
- ადგილზე მონტაჟი და ტესტირება;

2.3. ანგარიშსწორების პირობები:

ანგარიშსწორება „მიმწოდებელთან“ წარმოებს უნაღლო ანგარიშსწორების ფორმით ლარში, ეტაპობრივად, ფაქტიურად მიწოდებული საქონლის შესაბამისად 20 სამუშაო დღის ვადაში.

2.4. შესყიდვის ობიექტის სავარაუდო ღირებულება:

სავარაუდო ღირებულება **730,00** ლარი, დღგ-ს ჩათვლით.

შენიშვნა:

- იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მიერ განსაზღვრულ გონივრულ ვადაში, პრეტენდენტი ვალდებულია უზრუნველყოს ფასწარმოქმნის ადეკვატურობის დასაბუთება (დასაბუთება შესაძლებელია განხორციელდეს მაგალითად, ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას).
- იმ შემთხვევაში, თუ პრეტენდენტის მიერ არ იქნა წარმოდგენილი ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდენტის დისკვალიფიკაცია;
- პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

2.5. საკონტაქტო ინფორმაცია

2.5.1. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნა ნებისმიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის მოდულის „კითხვა/პასუხის“ მეშვეობით შესაბამის ტენდერში „ტენდერი გამოცხადებულია“ სტატუსის მინიჭებიდან „წინადადების მიღება დასრულებულია“ სტატუსის მინიჭებამდე არაუგვიანეს 24 საათისა.

2.5.2. ტენდერთან დაკავშირებული განმარტებისა და დამატებითი ინფორმაციის დაზუსტება/განმარტება განხორციელდება გონივრულ ვადაში, მაგრამ არაუგვიანეს 2 საათისა შესაბამის ტენდერში „წინადადების მიღება დასრულებულია“ სტატუსის მინიჭებამდე.

2.5.3. ყველაზე დაბალი ფასის წინადადების მქონე მიმწოდებლის მოთხოვნის შემთხვევაში 2.5.1. პუნქტით გათვალისწინებული შესაბამისი დაზუსტება/განმარტება განხორციელდება გონივრულ ვადაში, შესაბამის ტენდერში „შერჩევა/შეფასების“ სტატუსის მინიჭებიდან „ხელშეკრულება დადებულია“ სტატუსის მინიჭებამდე.

საკონტაქტო პირი: ნათია ბოქოლიშვილი - მობ 555 254747.

3. პრეტენდენტის მიერ გამარტივებულ ელექტრონულ ტენდერში ასატვირთი ინფორმაცია

პრეტენდენტმა ელექტრონულ სისტემაში უნდა ატვირთოს:

- სატენდერო წინადადება (ფასების ცხრილი) - დანართი №1-ის მიხედვით;
- ტექნიკური პირობები - დანართი №2-ის მიხედვით;
- რეკვიზიტები - დანართი №3-ის მიხედვით;
- ინფორმაცია ევროკავშირის ან სხვა რეგიონის სტანდარტის ხარისხის სერთიფიკატი, (ISO9001 ან სხვა);

***შენიშვნა:** პრეტენდენტის მიერ ატვირთული ყველა დოკუმენტი დამოწმებული უნდა იქნეს ხელმძღვანელის ან მის მიერ უფლებამოსილი პირის ხელმოწერით (უფლებამოსილების დამადასტურებელი დოკუმენტის ატვირთვით).*

4. სახელმწიფო შესყიდვების შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ქ. გარდაბანი, -----, 2016 წ.

ერთის მხრივ, შპს “გარდაბნის თბოსადგური” (შემდგომში – “შემსყიდველი”), წარმოდგენილი გენერალური დირექტორის ლაშა მგელაძის სახით, ----- (შემდგომში “მიმწოდებელი”) წარმოდგენილი ----- სახით,

იმ გარემოებიდან გამომდინარე, რომ 2016 წლის ----- შემსყიდველის მიერ სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის “რ” ქვეპუნქტის შესაბამისად გამოცხადებულ გამარჯვებულ ელექტრონულ ტენდერში SPA ----- (შემდგომში - ტენდერი) გამარჯვებულად გამოცხადდა ----- ფასით ----- ლარი დღგ-ს გარეშე, ვთანხმდებით შემდეგზე:

1. ხელშეკრულების საგანი

1.1. წინამდებარე ხელშეკრულების საგანია დანართი N1 და N2-ში ჩამოთვლილი საქონლის (შემდეგში - “საქონელი”) მიწოდება, CPV 444213000 - სეიფი ცეცხლგამძლე;

1.2. “საქონლის” დასახელება, მახასიათებლები, რაოდენობა და ფასი ერთეულის მიხედვით მოცემულია წინამდებარე ხელშეკრულების დანართი N1-ში და N2-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. მხარეთა უფლება-მოვალეობები

2.1. “შემსყიდველი” უფლებამოსილია მოსთხოვოს “მიმწოდებელს” ხელშეკრულებით ნაკისრი ვალდებულებების დროულად და სრულად შესრულება.

2.2. “შემსყიდველი” ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;

2.3. “მიმწოდებელი” უფლებამოსილია, მოსთხოვოს “შემსყიდველს” ხელშეკრულებით ნაკისრი ვალდებულებების დროულად და სრულად შესრულება.

2.4. “მიმწოდებელი” ვალდებულია, მიაწოდოს შემსყიდველს ნივთობრივად და უფლებრივად უნაკლო საქონელი და მასთან დაკავშირებული აუცილებელი დოკუმენტაცია;

3. “საქონლის” მიწოდების პირობები

3.1. “მიმწოდებელი” ვალდებულია საქონლის მიწოდება განახორციელოს მისამართზე: ქ. გარდაბანი, დ. აღმაშენებლის 28 თანახმად დანართში N2 მითითებული პირობებისა.

3.2. “მიმწოდებელი” მიწოდებას, ადგილზე მოწაქს და ტესტირებას უზრუნველყოფს საკუთარი ხარჯებით.

3.3. შემსყიდველი უფლებამოსილია უარი განაცხადოს უხარისხო საქონლის მიღებაზე.

4. “საქონლის” ხარისხი

4.1. „მიმწოდებელი“ იღებს ვალდებულებას, რომ საქონლის ხარისხი შეესაბამება SPA ----- ტენდერის ტექნიკურ პირობებს, ხელშეკრულებით შეთანხმებულ ხარისხს, ტექნიკურ მაჩვენებლებს და დადგენილ სტანდარტებს.

5. ხელშეკრულების ფასი და ანგარიშსწორება

5.1 საქონლის მთლიანი ღირებულება შეადგენს ----- ლარს დღგ-ს ჩათვლით

5.2 ანგარიშსწორების განსახორციელებლად მიმწოდებელმა უნდა წარადგინოს შემდეგი დოკუმენტ(ებ)ი:

- სასაქონლო ზედნადები;

- საგადასახადო ანგარიშ-ფაქტურა დადასტურებული.

5.3 ანგარიშსწორება მიმწოდებელთან წარმოებს უნაღდო ანგარიშსწორების ფორმით, ეტაპობრივად, ფაქტიურად მიწოდებული საქონლის შესაბამისად, 5.2 პუნქტით გათვალისწინებული დოკუმენტ(ებ)ის სრულად მოწოდებიდან 20 სამუშაო დღის ვადაში.

6. გარანტია, პასუხისმგებლობა და ხელშეკრულების პირობების შეუსრულებლობა

6.1. „მიმწოდებელი“ იძლევა გარანტიას, რომ მის მიერ მიწოდებულ საქონელს არ გააჩნია ან საგარანტიო პერიოდში არ აღმოაჩნდება ნაკლი. საგარანტიო პერიოდი მიიღება თანახმად SPA ----- ტენდერის პირობებისა, მაგრამ არანაკლებ 1 კალენდარული წლისა მიწოდების ვადიდან.

6.1.1 საგარანტიო პერიოდში ყოველი გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება “მიმწოდებელს”. უფასო საგარანტიო მომსახურება ხდება იმ შემთხვევაში, თუ საქონელი არაა დაზიანებული „შემსყიდველის“ დაუდევრობით ან ფიზიკური ზემოქმედებით.

6.1.2. ნაკლის არსებობის შემთხვევაში, შეტყობინებიდან 2 (ორი) სამუშაო დღის ვადაში მიმწოდებელი ახდენს რეაგირებას, საჭიროების შემთხვევაში ტრანსპორტირებას სერვის-ცენტრამდე. იმ შემთხვევაში, თუ საქონლის დაზიანებული ნაწილი არის ადგილზე, მიმწოდებელი მის შეკეთება/დაბრუნებას ახდენს რეაგირებიდან 5 (ხუთი) სამუშაო დღის ვადაში. ხოლო იმ შემთხვევაში, თუ საქონლის დაზიანებული ნაწილი ექვემდებარება შეკეთებას, მიმწოდებელი მის შეკეთება/დაბრუნებას ახდენს რეაგირებიდან 30 (ოცდაათი) კალენდარული დღის ვადაში. საგარანტიო მომსახურება გულისხმობს გარანტიის მოქმედების პერიოდში საქონლის დაზიანებული ნაწილის შეკეთებას ან 30 (ოცდაათი) კალენდარული დღის ვადაში საქონლის შენაცვლებას ახლით, თუ აღნიშნული არ ექვემდებარება შეკეთებას.

6.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

6.3. ნაკლოვანი „საქონლის“ მიწოდების შედეგად „შემსყიდველისთვის“, ან მესამე მხარისათვის მიყენებული ნებისმიერი ზიანის ანაზღაურება ეკისრება „მიმწოდებელს“.

6.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.5. „საქონლის“ მოწოდების დაყოვნების შემთხვევაში „მიმწოდებელი“ ვალდებულია გადაუხადოს „შემსყიდველს“ პირგასამტეხლო ყოველ ვადაგადაცილებულ კალენდარულ დღეზე „საქონლის“ საერთო ღირებულების 0.3%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

6.6. „შემსყიდველის“ მიერ ანგარიშსწორების ვადის გადაცილების შემთხვევაში „მიმწოდებელს“ უფლება აქვს დააკისროს „შემსყიდველს“ პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0.3%-ის ოდენობით.

6.7. „მიმწოდებლის“ მიერ პირგასამტეხლოს გადახდა, სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

7. მხარეთა პასუხისმგებლობისგან გათავისუფლება

7.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

7.2. მხარემ, რომელსაც შეეძენა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

8. ხელშეკრულების ინსპექტირების პირობები

8.1. „შემსყიდველს“ ან მის მიერ უფლებამოსილ პირს უფლება აქვს განახორციელონ „საქონლის“ კონტროლი და/ან გამოცადონ საქონელი.

8.2. „მიმწოდებლის“ მიერ ხელშეკრულებისა და მისი დანართების შესრულებაზე კონტროლს ახორციელებს „შემსყიდველის“ მიერ შექმნილი ინსპექტირების ჯგუფი.

8.3. ინსპექტირების ჯგუფის ფუნქციებია:

8.3.1. საქონლის მოცულობის, ხარისხისა და ვადების წინამდებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

8.3.2. შეამოწმოს საქონელი მის მიღებამდე და უხარისხობის შემთხვევაში უარი თქვას მის მიღებაზე.

8.3.3. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

8.4 ყოველი გამოვლენილი ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“.

9. ხელშეკრულებაში ცვლილებების შეტანა

9.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

9.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა სამოქალაქო კოდექსის 398-ე მუხლით დადგენილი შემთხვევებისა.

9.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

9.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

10. ხელშეკრულების ძალაში შესვლა და მოქმედების ვადა

10.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2016 წლის _____ ჩათვლით.

10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

11. ხელშეკრულების შეწყვეტა

11.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

11.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა) რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რა ვადაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.

ბ) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;

გ) სსკ 398-ე მუხლით გათვალისწინებულ შემთხვევაში.

11.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

12. დავების გადაწყვეტა, მარეგულირებელი სამართალი

12.1 მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

12.2 შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

12.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. დასკვნითი დებულებები

13.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

13.2 ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

13.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.

13.4 ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

მხარეთა რეკვიზიტები და ხელმოწერები

5, დანართი №1 სატენდერო წინადადება (ფასების ცხრილი)

#	CPV	დასახელება	საქონლის მოდელი, სრული ტექნიკური მახასიათებლები	წარმოშობის ქვეყანა	მწარმოებელი ფირმა	განზომილება	რაოდენობა	ფასი (ლარი, დღგ-ს ჩათვლით)	საერთო ღირებულება (ლარი, დღგ-ს ჩათვლით)	საგარანტიო ვადა
1	CPV 444213000	სეიფი ცეცხლგამძლე;				ცალი	1			2 წელი

სატენდერო წინადადების ფასი: ----- ლარი (დღგ-ს ჩათვლით)

მიწოდების ადგილი: ქ. გარდაბანი, დ. აღმაშენებლის 2ბ, ადგილზე მონტაჟით და ტესტირებით;

მიწოდების ვადა: არაუმეტეს 10 კალენდარული დღე;

ხელმოწერით ვადასტურებ, რომ მიწოდებას განვახორციელებ დანართი №1 სატენდერო წინადადების (ფასების ცხრილი) და დანართი №2 ტექნიკური პირობების შესაბამისად.

ხელმოწერა ----- თარიღი -----

6. დანართი №2 ტექნიკური პირობები

#	CPV	დასახელება	მახასიათებლები
			არანაკლებ ან ანალოგიური პარამეტრები:
1	CPV 444213000	სეიფი ცეცხლგამძლე	ცეცხლგამძლე, სიმაღლე 0.5-0,6 მ, სიღრმე 0.40-0,5მ, სიგანე 0,4-0,5 მ. საკეტი მექანიკური ან/და ელექტრო, შიგნით ერთი თარო

- საგარანტიო ვადა არანაკლებ 2 წელი;

ვეთანხმები ტექნიკურ პირობებს

ხელმოწერა ----- თარიღი -----

7. დანართი №3 (რეკვიზიტების ფორმა)

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის პოზიცია, სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა ----- თარიღი -----